

Q. D. B. V.

OBSERVATIO CHIRVRGICA
DE

**BVONOCELE BIPARTITA,
INCARCERATA, KELO-
TOMIA FELICITER
CVRATA,**

QVAM

CONSENSV ILLVSTRIS MEDICORVM ORDINIS
PRO SVMMIS IN MEDICINA ET CHI-
RVRGIA HONORIBVS

OBTINENDIS

PLACIDAE ERVDITORVM DISQVISIONI

SVBMITTIT

AVCTOR


IOHANNES BECK,

MAGNI DVCIS TOTIVS ROSSIAE CHIRVRGVS PRIMARIVS
ET CONSILIARIVS STATVS, ACADEMIAE CAESAREAE
NATVRAE CVRIOSORVM COLLEGA.



D. X MENSIS AVGVSTI C¹D¹ CCLXXXI.

TRAIECTI AD VIADRVN,
E TYPOGRAPHEO WINTERIANO.



APPROVED 3/21/00
BY THE BOARD OF
DIRECTORS
OF THE
CITY OF NEW YORK

IN WITNESS WHEREOF
I have hereunto set my hand
and the seal of the City of New York
this 21st day of March 2000

[Signature]
Mayor of the City of New York



PRAELOQVIVM.




Negari vix ac ne vix quidem potest, Chirurgiam, artem hanc humano generi salutarem valde, et in conseruatione eius unice occupatam, in magnum omnino hodie fastigium perfectionis eleuatam esse. Euidenter namque admodum apparet, eam non amplius, post-

quam, ut meruit, denuo rite excoli coepit, mechanico tantum opificii instar exercitio, vel vagis ratiocinationibus, sed principiis certis ex Anatomia praefertim et Physiologia depromptis, inniti et dummodo manus exercitata cum scientia sufficienti in uno eodemque subiecto felici connubio coniungantur, permultos aegrotos, maximis quamvis et primo intuitu incurabilibus affectibus obnoxios, praeter spem fere pristinae sanitati restitui et ex orci quasi faucibus eripi posse. Exultant hinc merito veri Aesculapii filii gaudentque cum illis reliqui, quorum saluti tam efficaciter inferuit. Inter rationes vero, quae felicitatem hanc, prae multis aliis artibus et scientiis Chirurgiae invidendam, contulerunt, haud infima reputari debet, quod summi in arte viri, adminiculis requisitis ad illam elaborandam sufficienter instructi, non tantum in theoria firma stabilienda

omnes

omnes intenderint neruos, sed, quod caput rei est, experientiae, tanquam iudici rerum optimo et ad eruenda naturae arcana maxime necessariae, auctoritatem conciliarint debitam. Huius autem auxilio causae, progressus, symptomata morborum exteriorum et appropriata cuique remedia pedetentim quasi innotuerunt, et ratiocinatione sana in consortium vocata, cognitio hucusque manca in certitudinem fere, saltem quoad plurima, prouecta est. Inutile quidem et a proposito nostro alienum foret, assertionem hanc longiore deductione probare, dum cuilibet vel tantillum in re medica versato nec minimum super hac re dubium superesse potest. Observationum nempe fidarum et memorabilium praestantia in aprico posita et omnibus cordatioribus nil magis in voto est, quam ut casus insolentiores grauiore, praecipuis dum post summam adhibitam

curam, inopinato quasi, felici successu donantur, publici iuris fiant nec tenebris obliuionis demandentur, qui aliis in similibus versantibus circumstantiis ad sanitatem recuperandam conferre possint. Ex horum censu obseruationem hanc, quam Tibi L. B. sisto, esse, nemo, ni fallor, inficias ibit, dummodo ad magnitudinem enormem duplicis huius herniae incarceratae, ad symptomata periculosissima et reliqua obstacula haud leuia toties mortem minitantia, qua par est, attentione reflexerit; hinc sine ulterioribus ambagibus ad rem ipsam me accingam.



HISTORIA MORBI.



Iuuenis generosus, annorum circiter viginti octo, habitus torosi, et caeterum sanissimi, temperamenti mere sanguinei, cum alio fratre gemello laute educatus et post obitum parentum diuitum sui quasi iuris factus, variis, quae aetatem hanc instantem plerumque concomitari solent, dissipationibus indulgens, inprimis veneri nimium litans, ab ipsa demum infantia tumorem gestauit in inguine dextro, paruum omnino, vix dolentem, et pro lubitu reponendum. Incommodum exinde proueniens, prout exigua substitit protuberantia haec, tam leuifera fuit, ut nec parentum, nec ipsius, dum iam adolefceret, attentionem meruerit, usque quo paucis abhinc annis, una cum reliquo corpore obeso immo pinguiissimo facto, maiorem in modum incrementum accipiens, aegrotum, praecipue ob difficultates in motione corporis enatas haud leues, inquietum quodammodo redderet. Monorchis vero natus fuit, altero nempe testiculo, vitio naturae subinde occurrente, in abdomine abscondito. De salute propria
mi-

minus certe, quam decet, sollicitus, malum, quod leuitate sua imposuit, adeo spreuit, ut vix antea, quam symptomata grauiora, dolor nimirum in hernia acutissimus in abdomine colicus, cum tensione magna tumoris herniosi totius quanti, vomitus et suppressio alui, quae incarcerationem saltem incipientem indigitabant, subito et maxima cum vehementia instarent, de praesidiis, quibus a tanto periculo liberaretur, serio cogitaret. In hisce nempe constitutus angustiis meam qualemcunque prima vice implorauit opem, initio mensis Aprilis, anni 1771. Causam symptomatum, quo affligebatur vix contemnendorum mihi sciscitanti ultro monstrabat herniam hanc, minorem quidem, quam breui postea facta fuit, insignem vero iam dum, immo ex maioribus, quos unquam videre mihi contigit. In admirationem rapuit bifurcatio eius singularis; ex unica enim radice, siue communi tumore in inguine, duo proficiscebantur crura, quorum unum more consueto scrotum petebat, alterum vero in regione inguinis laterali et huic vicina anteriore superiore parte femoris supra musculum rectum cruris et reliquos ei adiacentes situm erat. Totus tumor herniosus, tensus omnino et tactui vix cedens tangebatur, quae tensio in ramo scrotali maior, quam in crurali fuit.

Tra-

Tractationem cum manibus, quia dolores intensi admodum erant, ferre vix potuit; hinc omni spe repositionis successuræ deposita, ad subleuanda symptomata incarcerationis incipientis unice intentus, venam ei illico secui, sanguineque liberalius, nempe ultra libram extracto, iam leuamen sensit notabile; attamen spatio nychthemeri adhuc bis repetenda erat venae sectio. Semicupia, fomenta resoluentia et anodyna supra regionem herniae applicata, clysmata emollientia et leniter irritantia saepiuscule iniecta, embrocatio abdominis emolliens, et demum temperantia varia interne haud interrupte exhibita suam quoque symbolam tanto cum successu contulerunt, ut iam altera die non tantum alius responderet, sed etiam reliqua caterua malorum supra memoratorum sensim euanescente, aegrotus tertia die perfecte restitutus esset. Quia repositio ob magnitudinem extraordinariam herniae huius inueteratae et neglectae et alia obstacula, de quibus postea in operatione ipsa certior factus sum, quamuis in ea multum desudauerim, nullo negotio perfici potuit, varia ei suasi remedia prophylactica, praesertim gestationem suspensorii ad hoc negotium adaptati, ut et moderatius vitae genus. Admonitis meis per breue duntaxat tempus auscultans, ab excessu men-

farum (gulofus nempe admodum fuit) et exercitiis variis, immo venere, quousque potuit, sibi minime temperavit. Hinc factum, ut insequente mense Maii duas recidivas praecedenti simillimas, breui interposito intervallo, pateretur, quae iisdem fere medelis tollebantur, hoc tamen discrimine, ut hernia ipsa nunc celerrima et maxima indies caperet incrementa. De periculo itaque, quod ipsi tam euidenter imminebat, monui unicumque recuperandae sanitatis auxilium in Kelotomia positum esse declaravi. Inuitus quidem consilio meo acquieuit; ob varia vero, quae praetulit, non remouenda, ut asseuerabat, impedimenta, operationi ipsi et necessariae postmodum per aliquot septimanas in lecto morae, non nisi in initio mensis Augusti sese subiicere posse, affirmavit. Sors vero eius tantas, quas sibi pro lubitu blandiebatur, inducias nequaquam concessit. Nam die duodecimo mensis Iunii, post excessivam in prandio ingurgitationem ciborum, dum sub vesperam cum sociis deambulare, augmentum herniae, inprimis rami femoralis, maximum cum doloribus vehementissimis derepente animadvertit, ita ut vix domum se conferre posset. Accersitus, circa incrementum tantum herniae tam breui tempore factum obstupui; reliqua vero, quae
con-

confestim ingruerant, symptomata incarcerationis, ancipitem omnino et de vita eius desperantem me fere reddiderunt. Aderat nempe una cum colica gravissima, doloribus imprimis in hernia ipsa subsistentibus, febris acutissima, vomitus, tensio abdominis et tumoris herniosi cum rubore inflammatorio, et obstructio alui pertinacissima, quae clysmatibus, quamvis frequentibus et sensim fortioribus iniectis, nullo modo devinci potuit. Venaesectio eadem adhuc vespere bis instituebatur, varia quoque topica, praeprimis fomenta resolventia adhibebantur, etiam ex aqua frigida, quae prae reliquis aliquale saltem ei solatium afferre videbantur, sed omnia incassum. Altero itaque die, nempe XIII. mensis Iunii sine fructu transacto, quamvis nihil intentatum reliquerim, omnibus in peius ruentibus, patiente quoque ipso in maximis cruciatibus operationem efflagitante, illam in casu hoc quamvis conclamato fere, postridie mane perficere decreui, dum anceps experiri remedium, quam aegrotum certissimae demandare morti, satius ducerem. Rogatis itaque in consortium operationis, amicissimis mihi Dominis, Doctore Orraeo, Chirurgo primario Frees et Chirurgo Beckman, die XIV hora sexta matutina aegrotum in statu fere desperabundo inuenimus, duobus iam nycthemeris insomnibus transactis,

symptomatibus praedictis adauctis, pulsu vero iam debili quamvis frequentissimo, una cum singultu, debilitate et sudoribus frigidis nil boni praefagientibus. Interea quoniam hic, si usquam alibi, maximum e mora periculum metuebam, ad Kelotomiam ipsam, apparatu necessario iam rite confecto et disposito, properavi et sequenti modo eam institui:

Aegroto supra lectum planiusculum ita collocato, ut pulvinaribus crassis subiectis, regio natium pedesque ipsi sursum eleuantur, caput vero et pectus magis declinantur, pilis quoque e tota regione herniae abrais, ministri aliquot ad firmandum patientem, ne loco moueretur, disponebantur; instrumenta vero cum apparatu deligationis et reliqua, quorum usus praevideri potuit, a Chirurgis praedictis in promptu tenebantur. Quia, ut supra monui, hernia ipsa, quae in inguine simplex fuit, in duos diuisa erat ramos, quorum unus scrotum, alter vero femur dextrum respiciebat, hinc etiam sectio duplex institui debuit. Primam incisionem, eleuatis, quantum fieri potuit, ab adiutore transversim integumentis, in medio rami scrotalis, provide, ne intestinum subiacens laederetur, feci eamque sursum versus, ad latitudinem pollicis supra annulum, deorsum vero, quo-

quousque tumor herniosus se extendebat, iisdem praecautioibus adhibitis, scalpello dilataui. Haemorrhagiam, quae ex plurimis arteriis, praefertim ex una sat magna in cellulositate inguinis, largior quam sperauerim, instabat, solutione vitrioli de cypro, orificiis earum admota, compescui. Tunc e parte superiori vulneris alteram incisionem supra ramum femoralem eodem modo peregi. Plagarum harum amplitudo insignis omnino euasit; nam prima duas fere spithamas, altera sesqui spithamam longitudine aequabat. Sub integumentis in formam quasi litterae T incisis, statim in conspectum venit inuolucrum herniosum, quod, quantum fieri potuit, a cellulositate illud ambiente, separaui; dein laminis, ex quibus constabat quam plurimis, alia post aliam in regione infima rami scrotalis, cautissime sectis, tandem in cavitatem sacci herniosi peruentum fuit, sero modico in illo contento cum impetu exsiliante. Apertura hac ad directionem vulnerum, quae in integumentis iam facta fuerunt, quantum debuit dilatata, quod cum apice scalpelli supra internam indicis dextri apicem positi, qua par est, circumspeditione effeci, illico protuberavit portio ingens duplicata intestini ilei iam valde rubescentis ab inflammatione, itaque gangraenae quam proximi, a contentis vero suis,

praesertim aëre turgescens et portione tenui omenti obducti. Contecto intestino, ne alterationem pateretur, linteis mollissimis lacte tepido imbutis, septum illud ligamentosum validissimum, quod utrumque saccum distinxit, caute incidebatur; quo facto testiculus alter versus cauitatem rami femoralis protrusus, macilentus, exsuccus quasi et albidus inueniebatur, funiculus vero spermaticus cum sacco hernioso concretus erat. Conuolutio maxima et quasi globosa omenti, quae protuberantiam illam orbicularem rami femoralis effecit, terrorem fere incussit, et quid cum illa faciendum, ancipitem quadantenus reddebat. Sanum certe adhuc apparuit viscus hoc; attamen in cauitatem abdominis repositionem eius tentare, non modo difficile, sed etiam noxium iudicaui, hinc non nisi de reponendo intestino cogitaui, quod summa cum difficultate tandem obtinui. Nam quamuis, quae a magnis Chirurgis laudari solent, encheireses, praesertim educationem partis ano proximae et dissipationem contentorum, quae turgescens caussam dederunt, in usum traxerim, nullum tamen ob penitus coarctatum et quasi obturatum anulum abdominis aliud consilium supererat, quam dilatatio eius. Recondito itaque in extremitate indicis dextri apice scalpelli, incisionem versus lineam

am albam sat amplam feci, at repositio nondum ex voto successit, hinc ex opposito latere, alteram eiusdem fere amplitudinis os sacrum respicientem, instituire coactus sum, qua facta, intestini prolapsi conuolutiones in cauitatem abdominis manu protrudere amplius necesse non fuit, nam sponte intrabant. Portio illa ingens epiploi, cuius repositionem, uti supra dixi, si non plane impossibilem, minime vero utilem futuram praeuidi, ab adiutoribus ambabus manibus comprehensa et sursum versus eleuata, non procul ab annulo, acu magna, quae filo duplici robusto instructa erat, in medio perforabatur ab utroque latere, filis vero antea seiunctis ad distantiam transuersi ab annulo digiti, nodulo fortissimo constringebatur, totaque massa propendens ad latitudinem digiti a ligatura abscindebatur. Truncus omenti compacti, quo loco ligabatur, crassitiem quatuor digitorum excedebat, portio vero resecta ultra quatuor libras ponderabat. Processus peritonei et membranae spuriae saccum herniosum constituentes, a cellulositate circumiacente testiculo et funiculo spermatico, cum quibus concreuerant, separatae, quantum fieri potuit, auferebantur. His iam ex voto peractis, deligatio, utpote maximi momenti in operatione hac, sequentibus cum cautelis

in-

instituta est. Vulnere toto quanto a cruore linteis carptis et spongiolo bene depurato, frustulum illud integumentorum communium, quod ramo herniae femorali incubuit et per incisionem T formem figuram triangularem adeptum erat, iterum in locum pristinum reponebatur; testiculus una cum funiculo spermatico scrotum versus blande protrusus linteo tenui oleo amygdalarum dulcium madido obtegebatur; filum duplicatum a ligatura omenti proueniens versus extremitatem superiorem vulneris colligabatur et supra regionem annuli ipsius, puluinar (*gateau* Gallice appellatum) a HENKELIO T. 2. f. 12. delineatum, imponebatur; reliquum vulnus, labiis eius appropinquatis, plumaceolis implebatur, mox emplastris et spleniis tam longitudinalibus quadruplicatis, quam aliis maioribus, praesertim circa annulum et latera vulnerum impositis, totus apparatus deligationis fascia, spica simplici denominata, firmabatur.

Operatione finita aegrotoque in situ fere eodem relicto, omnes in id intendi curas, ne symptomata, quae sectiones eiusmodi grandiores insequi solent, iusto grauiora fierent, et nos successu sperato frustrarentur. Hinc ad vehementiam febris,

quae

quae instabat vulnerariae, reprimendam, et inflammationem partium vulneratarum, quae penitus auerti neutiquam potuit, saltem minuendam, varia ex lege artis praescripta fuerunt remedia antiphlogistica, quae tamen vix ac ne vix quidem impedire potuerunt, quo minus eodem die versus vesperam febris accenderetur fortissima, et sequentibus quatuor diebus, usque dum suppuratio laudabilis proveniret, nos de euentu dubios admodum teneret. Venaesectio, quamvis ante operationem aliquoties celebrata et iactura sanguinis tempore sectionis haud parua fuerit, in corpore tamen robusto et succis pleno, iterum aliquoties repeti debuit, medicamentis quoque internis temperantibus minime neglectis. Ex usu clysmatum emollientium et modice irritantium magnum experiebatur solamen aluumque cum euphoria deponebat, hinc frequentius iniiciebantur. Bolus ex rheo, sale polychresto et pulpa tamarindorum, bis de die exhibitus praeprimis conducere videbatur. Supra abdomen et regionem vulneris fomenta resoluentia et emollientia cum pannis linteis assidue applicabantur; reliqua vero, quae diaetam respiciebant, uti in febre acutissima, ordinabantur. Tertia die humor rubicundus sat copiosus per linteâ stillare vulnusque odorem, qualis post amputationes

membrorum contingere solet, spirare coepit; interea apparatus deligationis, non nisi quinta die, dum signa suppurationis indubia sese manifestaerint, remouebatur. Febris, quae huc usque non parum saeuit, iam remissior facta, in decimum tamen usque diem perdurauit. Labia vulnery, quamuis suppuratio laudabilis indies augmentum caperet, tumefacta et inflammata per plurimos dies cernebantur, usque dum sensim attenuata in statum redigerentur naturalem. Aderat quoque notabilis in primis deligationibus foetor, qui a portione omenti sub ligatura resistentis, et dum circulatio una cum vita interromperetur, in corruptionem abeuntis, proueniebat. Suppuratione successu temporis largiori, immo copiosissima facta, impediri vix potuit, tametsi deligatio iam bis de die institueretur, quo minus magna pars puris per viam decliuem vulneris scrotum peteret, quod in corpore hoc robustissimo vastum omnino erat, ibique in tela cellulosa ampliori sinus formaret. Quamuis quauis vice pus inibi collectum sollicitè exprimerem et spleniis fasciis, suspensorio, nec non puluinaribus paruis subiectis, sequelis exinde metuendis obuiam ire saterem, nihilominus portio quaedam profundius infinuata, breui acris facta, doloribus intensissimis una
cum

cum leui inflammatione anſam praebuit, qua aegrotus temperamento ſenſibili admodum praeditus in inquietudines, inſomnia, immo febrem nouam immergebatur. De remedio, quod malo huic inopinato ſuperuenienti obicem poneret, meditatus, aperturam in contraria parte ſcroti efficere decreui, (*Contre-Ouverture*) qua data porta puſ in interſtitiis eius moram quaerens, exitum nanciſceretur liberum. Fomentis itaque, cataplaſmatibus et emplaſtris emollientibus maturantibusque per nonnullos dies in uſum vocatis partem maxime prominulam et iam albeſcentem in regione ſcroti inferiori lanceola perforaui, quo facto puris haud parua copia illico effluxit et poſtea per tres continuas ſeptimanas fluere haud deſiit, donec cavitates vulnerum maiorum ſenſim noua implerentur carne fontesque huius deſtillationis taedioſiſſimae obturarentur. Teſticulus, qui in parte media vulneris, exſuccus quamuis et macilentus haefit, ſenſibilitatem tamen nullatenus amiſerat, et blandiſſime tractari debuit, poſt inſlictam plagam vero mox tumefcere et rubefcere incepit, uſque quo nouo obductus parenchymate ſenſim cum reliquo vulnere coaluit et oblituit. Fila, quibus omentum, uti ſupra dictum, conſtrictum fuerat, tardius, quam ſperaui, decide-

rant, septimanis nempe sex ab operatione transactis, licet quavis deligatione illa vellicare et solutionem illorum a partibus adiacentibus promouere minime neglexerim. Rationem phaenomeni huius insoliti aliam reddere nequeo, quam, quod forte fibrae carnae ex regionibus vicinis annuli enatae in interstitia nodorum post resolutionem omenti his in locis corrupti peruia facta sese insinuauerint, non nisi longiori temporis spatio et vi quasi disrumpendae. Attamen nulla exinde exoriebantur symptomata grauiora filaque tandem cum nodis suis integra, non sine laetitia aegroti et mei ipsius, dum vulnus ad consolidationem iam properaret, decidebant.

Dum curatio mali huius, si quod aliud, discrimine pleni, praeter spem fere ex voto succederet, en! noua pericula, non a natura morbi, vel vitio operantis, sed intemperantia et voracitate nullis coerenda frenis patientis ipsius ortum ducentia et, quod maxime mireris, per plurimas vices iterum iterumque prouocata, quamuis mors semper fores pulsauerit, nihilque neglectum fuerit, quod illum ab erroribus eiusmodi periculosissimis arcere posset. Febre elapsis tribus iam septimanis pacata et reliquo aegrotantis statu pro ratione circumstantiarum exopta-

optatissimo facto, precibus a me impetrauit, ut pauca cerasa matura, quorum tunc copia erat, ipsi indulgerem. Ast loco decem vel ad summum quindecim, quae numero determinato permiseram, plus quam bis mille unica vice deuorauit. Insequebantur voracitatem hanc incredibilem fere et nullo modo excusandam illico symptomata grauissima, tormina nempe ventris, colica flatulenta, tensio abdominis maxima, vomitus, febris, obstructio alui, singultus et debilitas summa cum sudoribus frigidis. De periculo inexpectato et causa eius lugubri certior factus aduolaui aegrotumque, quem eodem die mane animo inuiseram laeto, in agone fere mortis inueni. Suspicabar non immerito, intestina, saburra illa copiosa fermentante impleta, praesertim ob vomitiones frequentes et inquietam iactationem aegri per annulum abdominis nunc enormiter hiantem protrusa et nouam iterum incarcerationem effectam esse; sed apparatu deligationis caute remoto et omnibus rite examinatis, metus hic maximam quoad partem disparuit, hinc ut reliquis indicationibus, nempe euacuatoriae, anodynae et carminatiuae satisficeret, omni incumbendum erat cura. Praescriptis itaque eccoproticis lenioribus et clysmatibus talibus saepiuscule iniectis, ventrem aliquoties

summo cum leuamine exoneravit. Dolores colici et vomituritiones mixtura salina RIVERII et carminatiuis cum pauco opio mixtis sensim leniebantur; fomenta anodyna abdomini applicabantur, profligatisque hunc in modum symptomatibus maxime urgentibus medicamenta roborantia et tonica agmen clauserunt reliquamque curationem feliciter absoluerunt. Ecquis vero crederet patientem hunc sana ratione minime orbatum, de salute sua alias valde anxium et de sequelis infauftissimis voracitatis eiusmodi enormis persuasissimum, postea adhuc ter vel quater in idem erratum propria culpa incidisse. Tanta vis erat appetitus huius irregularis et fere canini, ut nec monitis meis, vel precibus, immo obiurgationibus consanguineorum et amicorum morem gereret, sed quantocyus se melius haberet et occasionem, quam quauis modo quaerebat, adeptus esset, mox ingurgitationibus variis indulgeret. Nam nunc halecibus plurimis, nunc piscibus vel carnibus, quantitate inaudita simplici vice comestis, in eundem semper incidit affectum, iisdem fere remediis a periculo mortis liberandus: et certe valde laetatus sum, quod tandem factum rectumque ex mea cura eum dimittere potuerim. Vulneribus consolidatis et cicatricibus, amplissimis quamuis, attamen firmis ob-

du-

ductis, usum brachierii cum substratis spleniis suasi, quem per dimidium et quod excedebat annum continuauit. Interea post haec sanitate fruebatur haud interrupta usque ad anni 1773 mensem Aprilis, ubi febre, synocho putrida, ex erroribus in diaeta grauioribus ortum trahente, mortuus est, et cum abessem ex urbe, in statum corporis internum inquirere non potui.

EPICRISIS.

Non abs re fore existimo, si nonnulla momenta grauiora circa casum hunc occurrentia ulterius explanationem meamque qualemcunque sententiam limationi aliorum iudicio submittam.

Herniam hanc, cuius rudimenta ab ipsa demum infantia praesto et non nisi successiue in molem tantam prouectam fuisse ipse patiens fatetur, exinde causam et originem suam duxisse, nemo non facile mihi concedet, quod testiculus alter in abdomine, et quidem, uti ex situ funiculi spermatici concludere fas est, in regione annuli ipsius latefcens, diaphragmatis, contentorum in abdomine eiusque musculorum continua pressione et contra-

cti-

ctione, vi quasi viam sibi parare coactus fuerit. Verisimiliter per notabile temporis spatium in ipso traiectu annuli restitauit, hinc aperturam hanc, quae in statu naturali imperuua est; sensim dilatauit et partes circumiacentes in omnes sensus comprimendo, si non callosas, attamen eousque debilitatas effecit, ut confecto itinere porta non amplius claudi posset, sed prolapsui peritonaei, omenti et intestini via pararetur opportuna. Nam ex Physiologia notissimum est, contenta abdominalia, praesertim molliora et libere fluitantia, qualia sunt intestina et omentum, utpote continuo pressa, in quemuis locum confestim ruere, dummodo ibi a quacunque causa minor, quam in caeteris resistentia sit. Quid denique mirum, quod hernia haec, in initio parua et sine dubio curationem admittens, per tot neglecta annos ex continuis et subinde violentissimis exercitiis motionibusque pedetentim tantum ceperit augmentum. Noui et alium Monorchidem, qui bubonocèle ab ipsa infantia ex eadem certe causa laborauit; ast in salutem propriam intentior, post factam repositionem, per plurimos annos brachierium continuo gestauit reliquisque remediis conuenientibus, tam internis, quam externis minime postpositis, nunc ab incommodo hoc prorsus liber plurimorum infantum pater

fa-

factus est et caeterum sanissimus viuit. Exemplum Monorchidis, cui anno aetatis decimo octauo testiculus alter post saltum grauiorem ex abdomine erupit, recenset BARTHOLINVS in *actis Hafniensibus Vol. I. obs. CVI.*

De situ et successiua herniae huius singulari modo bifurcatae formatione sequentia adhuc, quantum ex autopsia in operatione ipsa constitit, annotare liceat. Annulum abdominis procul dubio a testiculo in abdomine abscondito sensim dilatatum fuisse, iam antea monui; hinc vitium hoc in initio, non nisi bubonocoele simplex fuit, quae, uti notissimum, nihil aliud est, quam protuberantia vel omenti, vel intestini, vel amborum simul per annulum prorumpentium et sub integumentis communibus inguinis tumorem nunc maiorem nunc minorem formantium. Si malum hoc a quacunque causa negligatur, nec remedia tempestiua per repositionem, fascias, splenia, emplastra, subligacula etc. opponantur, contenta haec abdominalia successu temporis, debilitato et dilatato sensim peritoneo illa ambiente, ex pondere proprio et variis exercitiis corporis compressionem illorum producentibus, superato quoque leui a tunica cellulosa obstaculo, pro-

D

fun-

fundius indies dilabuntur tandemque in scrotum usque protrusa herniam sic dictam scrotalem efficiunt, quae nonnunquam in immensam increescere solet magnitudinem, ita, ut interdum maximam partem omenti et intestinorum omnium includere videatur, qualem describit BARTHOL. *l. c. Vol. V. obs. LIX.* Omnes vero herniae scrotales, quas unquam vidi, vel ab observatoribus commemoratas legi, simplices fuerunt, nec de bifurcatione eiusmodi extraordinaria, vti in casu hoc contigit, aliquid huc usque comperire potui. Rationem phaenomeni huius singularis vix aliam credo, quam absentiam funiculi spermatici et processus peritonaei extra abdomen, qui ob laxam conformationem telaee cellulosaee et minorem, quam alibi, resistantiam receptioni partium harum extranearum fauent, quae ordinarie aliam viam petere vix queunt, quoniam lamina externa peritonaei, processum sic dictum formans et conuolutionem hanc vaforum obuoluens aberrationem talem minime patitur. Hic vero, funiculo spermatico una cum processu illo deficiente, contenta abdominalia sub cutee externa per tunicam cellulosaam in varios sensus dispergi, magis tamen versus illa loca determinari debuerunt, ubi minor, quam in reliquis, resistantia occurrit. Haec vero facilitas in

re-

regiones tantum laterales annuli quadrat, nempe ad tractum funiculi spermatici et versus os sacrum; nam in margine superiori et inferiori annuli cutis ipsa tendinosis vel ligamentosis quasi processibus ei adnectitur cellulositaeque subiacens compacta omnino inuenitur, quod illos, qui in dissectionibus anatomicis, qua par est, attentione, versati sunt, latere non potest. Septum quoque illud ligamentosum validissimum, quod hic utrumque saccum distinxit, et in operatione discindebatur, euidentissime non nisi a commissura cutis inter femur et os pubis in inguine provenit et plexui illi ligamentoso, qui in margine inferiori annuli observatur, firmissime inferebatur. Hinc ergo factum, ut contenta abdominalia continuo pressa, non tantum versus scrotum, sed etiam partem anteriorem cruris sub cellulositae sensim protrusa fuerint, septo nempe hoc receptaculum antea commune in duos findente faccos distinctos: uterque autem horum non eiusdem figurae vel amplitudinis erat, nec eadem praecise, uti ex historia morbi apparet, includebat contenta abdominalia. Scrotalis namque oblongus magis et versus fundum vastior spithamam cum dimidia longitudine aequabat, crassities quoque eiusdem fere in peripheria mensurae supputari potuit. Cruralis vero in ipsa

flexura inguinis et subiacente parte superiori anteriori situs, figuram describens haemisphericam, magnitudine caput humanum superavit fere; mollior vero tactu sentiebatur, altero nempe sacco duro et valde tenso existente; murmura quoque obscura in herniis vulgaria, dum manibus tractantur, in hoc sacco manifestiora fuerunt, quam in illo. Penis, quanquam alias haud ruditer a natura donatus fuerit, nunc ita retractus et a mole herniosa absconditus apparuit, ut solummodo extremitas eius parum prominere.

Quod Kelotomia siue operatio ipsa in hoc casu sit indicata, immo unicum vitae et sanitatis recuperandae praesidium fuerit, neminem facile repugnantem habeo, inprimis si symptomata grauissima et admonitiones optimorum in arte nostra magistrorum de maximo ex procrastinatione periculo, uti decet, ponderentur. Aderant namque omnia signa incarcerationis siue strangulationis intestini et omenti, nempe repositionis impossibilitas, dolor acutissimus in tumore hernioso, in ventre colicus, irritus deiciendi conatus, vomituritio, vomitus chylosi primum, dein stercoreales, regionis herniosae inflammatio etc. febris tandem, insomnia, singultus et pulsus debilis cum sudoribus frigidis summum

mon-

monstrabant discrimen, in quo aegrotus versabatur, nisi ei tempestive sectione succurreretur. Prostant quidem observationes a magnis viris omnino communicatae, de quorum fide dubitare religioni duco, quae inculcare videntur, hernias incarceratas conclamatas quamvis, variis tamen remediis adhibitis, iterum referari et aegrotos pristinae sanitati restitui posse, quales suppeditant *FORESTVS obs. mid. libr. XX. obs. XLIV. et libr. XXI. obs. XX. XXVII. XXVIII. XXIX. et TVLPIVS libr. III. c. XII. et XIII.* (ubi aegrotum, qui tredecim dies sterqus euomuit, nihilominus facta repositione conualuisse observat.) Ast, pace eorum, has inter rarissimas et singulares admodum reputo, ex quibus conclusio non valet; nec vitam hominis ob exempla rara periclitandam existimo, praeprimis quia indubie constat, operationem hanc, dolorificam quamvis, nec discrimine carentem, periculo tamen certo non ita obnoxiam esse, dummodo ea, qua par est, circumspeditione instituat, vel malum iam eousque non processerit, ut medelae prorsus expers factum sit.

Quas in operatione adhibui encheireses et reliquas cautelas in historia data inculcatas, eas ad normam artis et praescriptionem optimorum in illa

magistrorum, me intento animo direxisse et officio meo saltem quomodocunque satisfacisse sperauerim, hinc de vulgaribus illis et communi suffragio receptis multa verba facere superuacaneum foret. Ast quia variae a variis methodi et dissensus, etiam quoad circumstantias principales occurrunt, mearum utique partium esse crediderim, rationes reddere, cur sic, nec aliter processerim. Ad haemorrhagias, quae incisiones maiores insequi et operationes haud parum retardare solent, quin nonnunquam periculosae fiunt, inprimis si arteriae maiusculae dissecantur, compescendas, plura a rei chirurgicae scriptoribus remedia commendantur. Nam alii compressionem cum linteo carpto, alii styptica varia, fungum quercinum, spongiam praeparatam, immo futuras arteriarum, si capaciores sint et cum impetu multum sanguinem fundant, extollunt. Sunt, qui solam impositionem apicum digitorum, quantum sufficit, continuatam indicationi satisfacere asseuerent. De certo futura, post incisiones tam magnas et profundas, in corpore robustissimo et plethorico, haemorrhagia largiori minime dubitans omnia parata habui, ut si unum deficeret, alterum illico praesto esset. Nec euentus metum fefellit conceptum. Nam dissectis integumentis, ex cellulositate multa, crassissimis,

simis, praeprimis in inguine, ubi incisio supra annulum nonnihil extendi debuit, quatuor statim in conspectum venerunt aperturae arteriarum, quarum maxima, calami fere straminei crassitie cum iactu vehementissimo cruorem vibrauit altissime, ita ut de breui sistendo fluxu hoc periculosissimo serio cogitandum esset. Orificium eius profunde admodum in cellulositate ipsius inguinis inter labia vulneris duos transuersos digitos alta, situm et in adipem prorumpentem mox retractum nulla prorsus comprehendi, comprimere, nec acu attingi potuit arte. Vnicum itaque supererat auxilium, applicatio nempe styptici efficacissimi. Ad manus ergo, quam habebam, solutionem vitrioli de cypro arripio, globulos ex linteo carpto varia magnitudine contortos celerime illa imbibo et minimo supra ostiolum applicato, mox alium et alium maiorem impono digitisque per paruum temporis spatium comprimendo, effluuium sisto. Reliquis quoque arteriis minoribus et magis in superficie vulneris sitis, eadem cum linteo carpto mollius conuoluto solutione adhibita, ab adiutoribus fuit prospectum. Nullum exinde, praeter moram aliqualem et colorem pinguedinis nonnihil alteratum, enatum incommodum, nec applicatio dolorifica fuit. Ex dissectione integumentorum ram

mi

mi cruralis, quae postea insequēbatur haemorrhagia, utpote multo leuior, eodem modo et quidem citius compescebatur.

Quod portionem omenti in faccis herniosis contentam, totam, quamuis sanam adhuc, refecare non dubitauerim, multae et quidem sat praegnaentes me impulerunt rationes. Subiit illico animum, massam hanc enormem, quae in hospitiiis hisce tantam acquisiuit molem, si in cauitatem abdominis retruderetur, uti corpus extraneum, commodum vix sibi inuenire locum; nec sine sequelis grauissimis reliqua viscera comprimere posse; ut taceam, repositionem eius, si non impossibilem plane, noxiā vero ob dilacerationes visceris huius tenerrimi, nullo negotio, etiam si quam blandissime tractaretur, praeuertendas, futuram. Disruptae namque hinc illic membranulae et vasa adepsque exsudans multa et quidem grauissima pericula et tandem mortem post se necessario traxissent. E contra ipsa ligatura maximam praestare debuit utilitatem, hac potissimum ex causa, quod extremitas omenti resecta, in annulo restitans, reiectis portionibus sub ligatura in corruptionem abeuntibus, cum partibus vicinis breui adnascens obturamentum praeberet exopta-

opratissimum, quo relapsus contentorum abdomina-
 lium, per annulum tam insigniter hiantem, alias vix
 praecauendus, auerti posset. Opinionem meam
 non male fundatam fuisse, euentus postea docuit.
 Nam licet grauissima postea ex nimia patientis, ut
 iam supra retuli, voracitate, insequuta fuerint sym-
 ptomata, ex quorum numero vomituritiones, et in-
 quietae aegroti iactationes periculosissimae certe fue-
 runt, nullus tamen exinde euenit exitus sinister, ni-
 hilque, violentissimis quamuis, hisce abdominis com-
 pressionibus amplius ex ventre protrusum fuit. Non
 sum quidem ignarus, celebres omnino Chirurgos li-
 gaturam omenti abhorrere magnaue exinde perti-
 mescere discrimina, hinc potius suadere, ut portio
 omenti prominens, si in cauum abdominale refun-
 di nequeat, vel in vulnere relinquatur, donec post
 insequutam corruptionem sponte decidat, quale
 consilium suppeditat LE DRAN, *operat. de Chirurg.*
p. m. 131. vel nulla adhibita ligatura, in regione an-
 nuli simplici sectione abscindatur, quae sententia est
 CELEB. SHARPII *traité des oper. p. 108. 109. eiusdem*
recherch. critiques p. 45. seqq. et PIPELET, *memoire*
de l' academ. royal de Chirurg. T. III. p. 394. seqq.
 Ast opinioni eorum, quamuis in reliquis maxime su-
 spiciam, subscribere anceps haereo; saltem in hoc
 E casu,

casu, dum tanta portio omenti, magnis omnino vas sanguiferis pertexti, resecanda fuit, sequelae perniciosissimae, utpote haemorrhagia largior, quae etiam post ligaturam arctam hic non defuit, inflammatio et sphacelus visceris huius tenerrimi, saniei in cauitatem abdominis extrauasatio, hinc certa mors, pertimescenda erant.

Ex historia supra data patet, me in tota hac operatione, si quae alia magna et periculosa, praeter scalpellum vulgare rectum, nullum aliud adhibuisse instrumentum, quamuis annulus abdominis ex utroque latere, intestinis et omento maxime turgentibus et in quamuis locum sese insinuantibus, incidendus et consequenter maximum ob viscera praedicta facile laedenda, periculum adesset. Volui certe, quod ingenue fateor, tum scalpellum reconditum, (*bistouri caché*) tum quoque specillum alatum in usum vocare, sed profunditas vulneris in subiecto hoc obesissimo, quae, dum unum vel alterum instrumentorum horum applicare volui, omnem abstulit cognitionem certam, quousque penetrauerim et numne partes vulnerarem, quae incidendae minime erant, metum haud iniustum incussit et ab usu eorum, absterruit. Malui methodum sectari simplicissimam
et

et tutissimam, quae in eo consistit, ut scalpello angustiori lamina praedito, in manubrio bene firmato et immobili reddito, sub indice manus dextrae ita recondito, ut apex eius in extremitate digiti delitesceret, remotis, quantum licuit, omento et intestinis protuberantibus, digitum in annulum quam blandissime intruderem; tunc, explorato per tactum loco strangulationis, aciem scalpelli, ubi prima obuenit resistentia, caute impegi et sic ulterius pergen-
do dilatationem, quantum sufficere putavi, peregi. Encheiresin hanc simplicem sat depraedicare non possum, optaremque ex animo, ut operationes grauiore omnes sine magno apparatu instrumentorum, quae aegrotis et adstantibus non nisi terrorem augent et operanti saepius confusionem pariunt, institui possent. Iam dudum de superfluis et noxiis ex Chirurgia eliminandis a magnis viris cogitatum fuit meoque iudicio tam scalpellum reconditum, quam specillum alatum, saltem ex hac operatione, exulare deberet. Certe ars inueniendi et reformandi nullibi tam ferax fuisse videtur, quam circa instrumenta dilatationi annuli et vulnerum abdominalium inseruientia. DIONIS illam supra specillum sulcatum cum scalpello incuruo in extremitate globoso perfici debere affirmat, *Cours des operat. p.m.* 87. GAREN-

GEOT specillum suum alatum extollit: *Tr. des instrumens T. I. p. 225.* MORAND, cultrum sic dictum gastroraphicum et PETIT cultellum acie limatum in eundem usum excogitarunt. *vid. not. de la Faye in Dionis p. 88.* LE DRAN scalpellum suum reconditum maximis encomiis collaudat: *Tr. des operat. p. 126.* quod ipsum instrumentum a SENFIO emendatum fuisse, tradit et delineat PLATNERVS in *Chirurgia sua fig. XVII.* alii scalpellum sic dictum regium in hunc usum traxerunt, et ne quid deficeret, ipse quoque HEISTERVS suum excogitavit et descripsit instrumentum proprium in *Chirurgia sua T. V. f. 3.* Ipsa vero multitudo haec instrumentorum, quid aliud euincit quam defectum et insufficientiam eorum, quam alius post alium emendare conatus fuit? nam alias vix perspicio, cur in uno, si omne tulisset punctum, reliqui non acquiescerent, nec pruritum solum inueniendi hic unice culpandum esse existimauerim.

Vereor, ne quis mihi vitio vertat, quod anulum abdominis a mole tanta omenti et intestini iam maxime distentum, ex utroque tamen latere incisionibus, et quidem sat amplis, dilatauerim, credatque, me cautelas, quas autores varii pro facili-

tan-

tanda, sine incisione annuli, repositione inculcant, vel ignorasse, vel ea, qua par est, dexteritate hoc efficere non potuisse. Sed bona fide, testimonio amicissimorum me adiuuantium fretus, asseuerare possum, me, antequam ad sectiones illas dolorificas et periculo plenas me accingerem, omnem mouisse lapidem omnesque tentasse encheireses, quas sana ratio et consilia magnorum virorum in mentemingere potuerint, antequam ad scalpellum, tanquam sacram anchoram, confugerem. Volui quidem portionem intestini anum respicientem ex abdomine blande educere, inclusaque, quae expansionem illam effecerunt, dissipare, sed immobilem omnino et renitentem se praeuit, nec viscus ob subtilitatem membranarum violentius tractari potuit. Immo prima incisione versus lineam albam, quantum ob metum laesionis arteriae epigastricae licuit, sat ampla peracta, nec dum res ex voto successit, hinc etiam alteram ex opposito latere instituere coactus fui.

Vt, quae de hernia hac singulari disseruimus, eo luculentius intelligantur, sequentes figuras ad naturam exactissime, quantum potuit, delineatas, apponendas curauimus.

E 3

Fig.

Fig. I.

Herniam, qualis ante sectionem, quoad fitum, magnitudinem, et peculiarem bifurcationem conspiciebatur, exhibet.

- A. Inguen lateris dextri, a contentis abdominalibus in hernia inclusis, valde eleuatum.
- B. Inguen lateris finistri.
- C.C. Crura nonnihil diuarcata.
- D. Ramus herniae scrotalis.
- E. Ramus femoralis, in tumorem magnum haemisphaericum eleuatus.
- F. Penis valde retractus.
- G. Raphe, portionem scroti ab hernia intumefactam, ab altera sana diuidens.

H.H.

H.H. Termini primae incisionis rami scrotalis.

I.I. Locus sectionis transversalis in ramo femorali.

K. Bifurcatio singularis, utrumque ramum herniosum distinguens.

Fig. II.

Delineat herniam iam utrobique sectam, fitumque partium in illa contentarum.

A. Annulus abdominis enormiter dilatatus.

B.B.B.B. Cutis externa cum cellulofitate, multa pinguedine referta, incisa et ad latus reflexa.

C.C.C.C. Membranae tam spuriae, quam ex peritoneo formatae, faccum herniosum constituentes, a cellulofitate separatae, incisae et reflexae.

D.D. portiones omenti tenues intestinum in sacco scro-

scrotali contentum, maximam quoad partem, obuoluentes.

E. Conuolutio maxima omenti in sacco femorali.

F. portio intestini ilei in sacco scrotali maior.

G. Altera eiusdem intestini portio in ramo femorali minor.


H. Testiculus alter, macilentus et exsuccus quasi.

I. Corpus pampiniforme cum reliquis partibus funiculi spermatici, sacco hernioso accretis.

K. Ligamentum subcutaneum, tendinosum quasi, utrumque distinguens faccum, et margini annuli inferiori insertum.



F. I.



F. II.

